

1221, juny, 6

Ramon de Gironella ven al seu cunyat Guillem Bru un quartó dels delmes de Caldes i Franciac pel preu de 450 morabatins.

ASD núm. 88, perg. orig., 195 x 297 mm, carta partida. Reg.: *Llibre de arxivació del priorat*, núm. I.

Sit notum cunctis quod ego Raimundus de Gerundella per me et per omnes meos presentes atque futuros, bono animo et spontanea uoluntate ac nemine cogente, consilio et uoluntate domini Alamandi, Dei gratia Gerundensis episcopi, uendo et cum hac presenti publica carta omni tempore ualitura liberando trado tibi Guilielmo Bruni et tuis in perpetuum quartonum decime omnium rerum de Calidis et quartonum decime omnium rerum de Franciliaco quos teneo per dominum Gerundensem episcopum, sicut melius dici uel intelligi siue excogitari potest ab aliqua sapientissima persona ad tuum comodum et tuorum pro quadringentis quinquaginta morabatinis alfonsinis boni et fini auri rectique ponderis, de quibus recognosco me a te bene esse paccatum, renunciando exceptioni non numerate peccunie, et ideo de meo iure ac potestate in tuum trado dominium et potestatem ad omnem tuam tuorumque uoluntatem omni tempore ibi et inde faciendam, sine seruicio quod inde mihi nec alicui non facias ullo modo nec ego exigere possim, nisi solummodo hominaticum quod tu et tui post te mihi faciatis et meis pro illis decimis, et ego Guilielmus Bruni predictus recipio per te Raimundum de Gerundella predictum decimas predictas in feudum, sic quod nullum tibi uel illi inde faciam seruitium iure aliquo ullo modo, nec tu aliquid uel aliquid aliud mihi exigere possis nisi hominaticum quod ego et mei teneamur tibi et tuis facere, quod uidelicet hominaticum in presenti facio. Et ego Brunissendis, uxor Raimundi de Gerundella laudo et concedo tibi Guilielmo Bruni fratri meo predicto et tuis in perpetuum predictas decimas sicut superius Raimundus de Gerundella maritus meus tibi uendidit, et iuro super sancta .III.or Dei Euangelia manu mea propria tacta quod predictam uenditionem semper ratam et firmam habebo et tenebo et quod ego uel aliquis per me contra non ueniemus neque uenire faciemus iure sponsaliciai mei uel alio aliquo modo. Et nos Alamandus, Dei gratia Gerundensis episcopus, laudamus et concedimus tibi Guilielmo Bruni in perpetuum predictas decimas sicut superius tibi uendite sunt et dici uel intelligi potest ad tuum comodum cum cultis ac laboracionibus presentibus et futuris in predictis parrochiis, et est certum quod ex hac uenditione sunt facta .II. instrumenta diuisa per alphabetum, uterque penes unum habendus.

Actum est hoc .VIII. idus iunii anno Domini .MCCXX. primo.1

Alamandus, Dei gratia Gerundensis episcopus. (*s. man.*) Raimundus de Gerundella*. +Raimundus de Monterubeo, Gerundensis archileuita*. +Petrus de Caciano, Gerundensis precentor*. (*s. man.*) Ego Marchesius, Gerundensis canonicus subscribo*.

Sig+num Petri Adrouerii. Sig+num Petri Ortelani. Sig+num Monerii de Sancta Leocadia.
Sig+num Felicis de Milicia.

Ego Bernardus Sancii scripsi hoc mandato Bernardi Stephani, Gerundensis canonici et
publici notarii cum litteris emendatis in .II. et .X. linea et suprascriptis in .VII. Bernardus
Stephani, Gerundensis canonicus et publicus notarius subscrivo(s. *man.*).

I. La data és posada de mà diferent a la que va escriure el document.

Extret de: Marquès, Josep M., ed. Col·lecció diplomàtica de Sant Daniel de Girona (924-
1300). Barcelona: Fundació Noguera, 1997. 199-200